

左恪靖侯奏稿初編

拾遺奏稿初編卷二十七目錄

賊踪竄粵現擬相機防剿布置情形摺

保奏人員先後異轍請交部察議片

籌調官軍分路進剿布置情形摺

覆陳廣東李藩司粉飾軍務情形片

附陳督署事件委藩司代折代行片

遞陳閩鹽試行票運情形摺

請將陣亡之何副將等議卹片

師船獲盜出力員弁陳請獎勵摺

賊踪竄粵現擬相機防剿布置情形摺

奏爲賊踪回竄粵境微臣現擬相機防剿並籌畫布置

情形恭摺馳

奏仰祈

聖鑒事竊臣前奉

諭旨馳赴粵境調遣廣東江西福建三省兵勇彼時因賊竄江西長寧龍南各地境江西有賊粵東無賊臣自毋庸入粵奏懇

收回節制三省各軍成命於十月二十日欽奉九月二

十八日

寄諭左宗棠奏逆氛已竄江西勢將於江粵湘三省邊界奪路狂奔該督現住漳州去賊甚遠兵機最忌遠制請收回節制三省成命等語賊踪雖距閩粵較遠左宗棠即可不必入粵惟各路將領必須有威望重臣節制調遣方足以一事權不至各懷觀望致悞事機左宗棠惟當視賊所向前往江西居中調撥相機剿辦以期迅殄狂氛俟此股賊匪殄除淨盡方能卸此重任此次所請收回成命之處著毋庸議欽此又於十月二十二日

欽奉十月初一日

上諭著左宗棠仍遵二十八日諭旨迅赴江西擇要駐紮居中調度徵飭各軍尅期會剿欽此伏查康逆汪海洋一股由江西定南敗竄廣東連平所轄上下坪一帶時遣賊黨擾及龍南始興邊境意在由南韶奪路竄江西湖南邊界與全軍由江西南康進駐廣東南雄高連陞一軍由廣東河源進長甯扼賊內犯廣東之路黃少春一軍由贛州進駐江西之信豐扼賊旁竄江西之路賊知去路已斷忽由連平翻山繞竄和平興各境所

過城邑皆繞道急趨突犯嘉應頃據遊擊賴長自永定
飛稟探報嘉應州城圍已於十月二十一日賊到時失
守旬日之間狂竄數百里其由閩邊以犯江西之勢已
成閩軍悉數入江入粵原爲截賊去路去閩日遠此次
逆賊乘虛回竄一無阻遏閩軍爲賊所隔且東江一帶
徧地土匪楚軍隊伍輜重落後者均被刦殺言連陞劉
清亮屢次緘報相同各軍又值疾疫盛行之後疲乏殊
甚此次回剿之不能迅速已在意中查嘉應入閩約有
三道一入永定一由鎮平入武平一由大埔入準和均

不過百數十里而永定尤爲衝要臣現飭賴長率所部
勇丁一千嚴扼之復徵藩司王德榜速率所部二千五
百人由汀州拔營馳往截剿飛飭黃少春由江西信豐
過安遠以扼武平並密江西撫臣劉坤一嚴扼會昌瑞金
與汀州鎮沈俊德一軍相爲聯絡惟平和一縣僅副
將林珠一營駐守兵力太單而此時實無兵可撥臣擬
卽日率親兵八百人並調記名總兵楊和貴一營出屯
琯溪以扼漳州之衝而兼顧平和一路俟各軍到齊再
相機前進督剿如蒙竄江西臣自當遵

旨赴江西視賊所向會江西撫臣檄飭各軍相機妥辦
所有逆賊回竄粵境及現籌辦理情形謹據實馳

奏再臣得報後卽行陳

奏不及與撫臣臧商故未會銜合併聲明伏乞

皇上聖鑒訓示施行謹

奏

同治四年十月二十六日

軍機大臣奉

旨另有旨欽此

軍機大臣 字寄同治四年十月十九日奉

上諭左宗棠奏賊踪回竄粵境現籌布置情形一摺康
逆汪海洋一股由連平統竄和平興甯各境突犯嘉應
該州城池於十月二十一日失守左宗棠現派賴長等
軍各率所部分路扼剿所籌均屬周妥該匪旬日之間
狂竄數百里其欲由閩遶以犯江西已可概見著左宗
棠檄飭派出各軍將由嘉應入閩之路分投堵截遇賊
卽擊以剿爲防務將此股賊匪迅速掃除肅清疆圉以
竟全功該逆既有圖竄江西之勢亟應實力嚴防以扼
其紛擾之路著劉坤一督飭防軍認真堵禦並嚴扼會

昌瑞金一帶與汀州鎮沈俊德一軍聯絡聲援會剿
洗爲一鼓聚殲之計嘉應州城被陷著瑞麟郭嵩壽將
失事情形並文武下落查明具奏並著嚴飭卓興方耀
等軍迅圖克復州城一面將此股竄匪痛加剿洗就地
殲滅毋令再竄福建江西等省又成不了之局平和一
路兵力較單該督擬出屯琯溪以扼漳州之衝兼顧平
和一路卽著移營前進相機布置如賊竄江西並著左
宗棠擇要駐紮會同劉坤一督飭各軍視賊所向立圖
掃蕩該督成算在胸諒能通籌全局迅殄逆氛也將此

由五百里各諭令知之欽此

保奏人員先後異轍請交部察議片

再十月初八日欽奉

寄諭曾憲德一員二年間由左宗棠於年終密考摺內稱其前在延建邵道任內辦事諸多諉卸才識均庸是以有開缺送部引見之旨此次復據該督保奏何以該員一人之身先後異轍如此著查明覆奏欽此

臣維曾憲德一員前在延建邵道任內粵賊李阿四竄入轄境曾憲德稟飭護邵武營參將吳連升扼要防剿吳連升

遷延不行致賊勢肆竄地方多被擾害其時曾憲德屢次稟陳軍務言賊踪必至某處某處後果歷歷不爽然於吳連升外別無調撥迨臣參劾吳連升曾憲德又具稟爲之解說臣當將曾憲德批飭比卽

奏明延汀等處土匪應責成曾憲德督率各軍剿辦如再貽誤定將該道將等

奏請從重治罪密者稱其諛卸者臣以其有料賊之明而無制賊之效也稱其才識俱庸者臣以其既知吳連升之遷延貽誤不擇人更換又不嚴其責成也本年春

間李逆世賢踞漳州勾結洋人潛謀下海洋官柏威林
與之通公然作梗臣擬以利啖柏威林俾爲我用庶李
逆聞而猜懼其交可離與撫臣徐宗幹密商及之撫臣
謂曾憲德在以泉永道任內爲柏威林所信服宜若可
使臣比卽會銜札委曾憲德赴廈門察辦軍務並令美
里登偕行卒能鈐制柏威林以斷勾通接洽之路並搗
獲洋人濟匪者多名亦並未賞以厚貲也李逆聞柏威
林旋有禁洋人私通接濟之議懼爲洋人所賣藉所製
炮子未能炸裂立斬洋人三名於是李逆與洋人之交

始絕臣入漳州尙見洋匪代賊鑄造田雞砲四具銅開
花礮子數百枚並洋匪遺棄衣帽多件若當時非曾憲
德明幹有爲上遠人所信服得駕馭而牽制之則漏逸
下海一著必所难免臣到漳州後見曾憲德所辦諸事
尚均妥協晤問詢其當日在延建邵道時事據稱以其
時實無好兵好將又所上公牘多徑抵代辦衙門臣處
無從閱悉臣益釋然適值興泉永道鄧廷枏奉

旨陞授福建臬司應赴新任臣故

奏請以曾憲德署理是缺一則人才可用一則中外情

形熟悉也其兩次

奏保該員未將密考叙入者竊以年終密考向無於奏
摺中聲明體式遂致過於拘泥上千詰責此則微臣啓
有難辭應請

旨將臣交部察議謹據實覆

奏伏候訓示施行謹

奏同治四年十月二十六日

軍機大臣奉

旨知道了左宗棠著加恩免其察議欽此

籌調官軍分路進剿布置情形摺

奏爲籌調官軍分路進剿仰祈

聖鑒事竊臣自聞廣東嘉應州失守卽將籌辦情形馳報一面率親兵及記名總兵楊和貴新右營出屯平和縣琯溪以固漳州南靖門戶遏賊內犯催調幫辦軍務劉興全軍由廣東南雄州取道江西南安贛州入閩署浙江提督黃少春由南安贛州入閩而廣東提督高連陞福建延建邵道康國器署浙江衢州鎮總兵記名提督劉清亮三軍皆隔在賊後無從檄調臣抵琯溪後訓

知賊蹤尙未竄動而察江西各軍皆以先固本省疆圉而後徐取遠勢截剿竄賊爲主議論紛紜尙無出境確見適奉

諭旨鮑超一軍仍歸臣節制鮑超書來亦亟思隨同臣軍進剿臣當卽咨鮑超率所部新舊各營一萬二千人入閩分扼武平上杭劉典率所部勇丁八千餘名入閩後徑趨永定其黃少春一軍三千人王德榜一軍二千五百人檄令隨臣進剿旋據高連陞康國器械報已尾賊而來由興甯向東北疾趨高連陞已紮嘉應州東北

三十里葵嶺康國器已紮鎮平縣城其嘉應州城之西三十里藍口地方聞粵軍方耀邵安邦駐紮其東南一面賴長所部一千人已進紮丙村對河之井塘與惠潮嘉道張銑所派潮州協副將何雲章五品軍功容潮彰之勇丁三千餘名夾河而守是四面布置粗有規模然賊之困於連平上下坪也實垂燼之餘因江西龍定之軍未及合圍廣東連平之軍未能攔截致旬日間鋌走嘉應兇燄忽張廣東土匪及遺散之勇從之者衆若復令其颺忽四竄兵事將無了期臣現催鮑超由平遠東

石徑趨嘉應西北相公亭一帶俟其到防再令扼要
營延至藍口畝城一帶以扼其西其藍口現紮之總軍
侯鮑軍到防後當移紮對河之長沙墟一帶憑河而守
與丙村諸軍聯絡以扼其南劉興一軍由武平上杭出
松源一帶逕抵松口再進與蔡嶺高連陞及賴長之軍
聯絡以扼其東與南高連陞既進蔡嶺康國器一軍應
卽由鎮平出三圳新埠墟紮石峯徑東連高連陞軍西
連鮑超軍以扼其北賊知東西北三面無路可竄必於
南路潮州及豐順揭陽一帶別覓生路而嘉應南濱支

河至三河壩而後入汀州幹河以趨潮州故由嘉應以趨潮州水路之要在三河壩而由嘉應以趨揭陽則言嶺關實當其衝粵軍三千餘分扼兩處兵力尙單而帶勇之員并一爲前署潮州黃岡協副將遊擊何雲章一爲五品軍功容朝彰臣慮其不足深恃一面飭其深溝高壘嚴斷接濟一面飛咨廣東督撫飭局趕籌製造礮船以扼水路復飭賴長於三河壩上海一帶河道水淺處密釘木椿深處雇船配鎗砲手扼之暫濟目前之急務潮州鎮翟國彥及惠潮嘉道張鑑督府縣嚴城守臣

卽率所部田平和出大埔繞三河壩赴松口將水路形勢察看明白然後折而北趨駐營嘉應州北路將東西兩路各軍分勻派紮漸進迨地近兵多足敷防剿則分兵過河繞紮南路而四山鎖圍之勢可成矣臣維天下變逆一種倖朕江海洋而廣東忠義氣在忠潮嘉三郡茲汪逆回窺嘉應土匪散勇及降人之復叛者多附其中正宜全力兜圍而無遺種庶可殄餘孽而靖嶺南事關大局不計一時之功效但能草薶而獮完此浩劫雖曠日持久亦所不惜可否仰懇

皇上天恩寬其督責假以便宜俾得從容就緒不勝感激之至現在署浙江提督黃少春已抵臣營劉典全軍已抵武平上杭可以漸次聯絡齊進惟鮑超一軍尚未得其行抵何處信息臣已四次飛催此軍入粵以後入地生疏必須廣東設立米局始免缺乏臣已咨請廣東督撫臣委員辦理其月餉由江西籌解伏乞

皇上天恩飭下江西撫臣力籌按月接濟不致如從前新湘長左等營一入閩境卽推置不顧方於大局有益實則此軍進嘉應西路足可屏蔽江西之長甯會昌瑞

金筠門嶺一帶所費雖多較之分布各軍株守本境猶
爲節省劉坤一深知兵事當亦諒之也謹將現在布置
情形據實馳陳伏乞

皇上聖鑒訓示施行謹

奏同治四年十一月十六日

軍機大臣奉

旨另有旨欽此

覆陳廣東李藩司粉飾軍務情形片

再臣欽奉

諭旨李福泰是否可用有無粉飾貽誤之處左宗棠此次摺內並未提及仍著查明具奏欽此臣聞李福泰在廣東作知縣時頗得時譽於兵事本非所長廣東委其督辦軍務不過責以調和諸將主餉饋治文書而已不但未親戎馬之事並未假以統馭之權且其所謂大將者已保至提鎮又皆強狠自遂一流進止機宜督撫尙不得制之李福泰一藩司安能令其俯視調遣是貽誤之咎李福泰似有可原也至粉飾一節李福泰於粵東兵事向未兼稟臣處偶於檄牘中略爲叙及亦祇寥寥

數語無從測其虛實臣前奏未曾提及茲以未得實據不敢妄有論列也惟昨次賊由連平上下坪竄走嘉應時李福泰靦然報攻克追剿之功實則並無其事卽此以觀則李福泰從前各稟專務粉飾可知謹據實覆陳伏祈

聖鑒施行謹

奏

軍機大臣奉

旨另有旨欽此

軍機大臣 字寄同治四年十二月初九日奉

上諭左宗棠奏籌調官軍分路進剿一摺汪逆大股竄踞嘉應州城高連陞已紮嘉應東北三十里之葵嶺康國器已紮鎮平縣城嘉應城西藍口地方有粵軍方耀鄧安邦駐紮四面布置已有規模左宗棠現擬率所部由平和出大埔繞三河壩赴松口將水陸形勢察看明白然後折而北趨駐紮嘉應州北路并飛催鮑超軍入粵所籌均屬妥協現在黃少春已抵左宗棠營劉典全軍已抵武平上杭著左宗棠卽行入粵調度各軍聯絡

聲勢務將汪逆全股及土匪叛勇盡數殄除勿任再行
出竄鮑超一軍前已據奏行抵會昌聽候調遣著該提
督卽進兵嘉應會師圍剿聽左宗棠調遣左宗棠有節
制三省之責著於入粵後妥籌調度如江粵各省之兵
有疲茶不能得力貽誤事機者卽由該督嚴參治罪瑞
麟郭嵩燾卽飭方耀等軍歸左宗棠節制與江閩諸軍
聯爲一氣並檄惠潮等郡文武員弁妥籌守禦以防該
逆旁竄所需礮船卽飭局趕造以遏水路要衝鮑超一
軍入粵人地生疏著劉坤一按月籌餉解濟瑞麟等派

令委員設立米局均須寬爲籌備勿任缺乏劉坤一仍當懷遵疊次諭旨催軍出境會剿不得稍存畛域之見左宗棠另片奏遵查李福泰於賊出連平上下坪竄走嘉應時覲然報攻克追剿之功實則並無其實屬粉飾廣東布政使李福泰著先行交部議處並著左宗棠察看如始終不能得力卽另揀委員統帶將該藩司撤回叅辦將此由六百里諭知左宗棠瑞麟劉坤一郭嵩燾並傳諭鮑超知之欽此

附陳督署事件委藩司代折代行片

再臣既遵

旨節制廣東江西軍務現在賊踞嘉應州臣自應入粵督剿現擬帶印出境所有臣署日行事件仍照例委藩司代拆代行其尋常題咨事件臣既出境尤難兼顧應仰咨請撫臣徐宗幹代辦庶得壹意攻剿而免稽延曠誤之虞除咨明撫臣及檄行署藩司周開錫外理合附片陳明伏乞

皇上

聖鑒謹

奏

軍機大臣奉

旨知道了欽此

澤陳閩鹽試行票運情形摺

奏爲滙陳閩鹽試行票運情形恭摺

奏仰祈

聖鑒事竊臣按准戶部咨開議復閩鹽試行票運一摺
同治四年九月十五日奉

旨依議欽此欽遵投摺飛咨到臣竊維前奏福建試行

票運一案實因釐務積弊相承漸至不可收拾致

國家自有利源盡供中飽因檢閱舊卷見咸豐元年戶部有就場徵餉按包抽稅之奏咸豐三年御史蔡徵藩有脩復收稅舊章按照閩省現商完課數目改收場稅關稅之奏皆奉

旨詳悉妥議切實具奏維時督撫諸臣皆刳於浮言不敢獨執其咎因循至今全綱頽壞良用慨然因與撫臣會商毅然有改行票運試辦一年之請初不意遽有成效也旋查自本年閏五月起試行票運截至十月底止

甫及半年鹽庫實支解司庫暨臣營軍餉已一十五萬兩一切照例雜支之款亦一萬數千餘兩尚有各商在幫應完未收之一半課釐約計亦可十餘萬兩伏查同治元年報收銀二十一萬兩有奇實支解京餉及司庫共祇八萬兩有奇二年報收銀一十六萬兩有奇實支解京餉及司庫共祇六萬兩有奇兩相比較試行期內半年之久所收實解之款已抵前此一年及一年半之數此明效大驗一覽而知者臣初亦疑上有所益則下必有所損課釐並納民或有食貴之虞乃詢諸市價則

無所增也。贏絀相形，商或有偏累之苦。乃察之商情，均
以爲便也。臣方詫爲始願所不及，卽當創議之初，應誹
而竊笑之者，亦爽然若失，不敢妄持異議。茲聞部咨，部
臣亦知以開離散壞爲可慮，亦不以票選爲不可行，而
特以慎重更張，預爲詰責。於是有一四可慮之議，如原奏
云：在商嚴定考成，尙有搖移之弊。此時免計分數，能無
侵蝕之虞？又云：現籌各商一經裁撤，萬一新販稍少，課
額虧短，再欲復歸舊章，勢有萬難一節。不知臣所以請
免計分數考成者，以開離痼弊最深，驟議改章難求速

效是以援照兩浙成案懇請試辦從前考成雖嚴每屆奏銷僅以五分塞責其中虛抵虛收尙復不少現在試辦票運實收實解方且一洗從前挪移陋習從前解款半而今解款倍之其無侵蝕之事可見舊商只令昭額認辦分別買票幫銷完繳課釐不准挂欠一切浮費則概行革除並未撤退舊商全招新販向之疲滯口岸自試行新章漸有商販認辦視前此貧殷富充商以行鹽爲勒捐之計者迥不侔矣此不足慮者一也部議西路商幫額大課重招徠小販力不能勝又苦陋規太多必

致捆運無人則不但虧課而且病民夫陋規不除則由昔之道由今之道均一虧課病民豈有力求整飭而不革除陋規之理今西路世業大商仍任其認岸專辦此外官運亦歸一律而自臣衙門至大小鹽務衙門規費一概革除計所裁之數每年不下七八萬兩又停收一切雜支之款是皆向之所謂以陋規太多爲替者一經釐革淨盡重情欣然如沈疴之釋體方且於應完正課外輸釐金捐牙帖開設官行一以彌補雜款一以接濟軍需無加額之名而有裕課之實此不足慮者二也部

議開場濱海民風强悍梟販繁多抽釐更難措手師船
彈壓萬一辦理不善得不償失臣查此次試辦章程釐
隨課出皆取之買票商販並未沿海散抽商販既完課
釐成本較重必須官爲緝私銷路乃暢衛商卽所以顧
課也數月以來並無私梟拒捕之案如果奸梟滋事則
執法懲之豈有慮民強而廢法之理乎至謂閩省從未
報解鹽釐遂謂無從措手則未知從前閩事之積玩有
非意想所到者沿海州縣多係縣澳官幫平時包與
戶官但坐收課費以充私橐而報解實銀者寥寥正賦

尙缺遑云抽釐今設局招徠不假丁胥之手新販既認
口岸與西路商幫無異無不交相奮感以冀暢銷現在
縣鴻各幫次第遵照新章完納課釐該局隨收隨解並
無帶欠蓋挈向時官吏私攫之款涓滴歸之公家名雖
取之於商實則變私費爲公帑益上而不損下此不足
慮者三也部議閩鹽積欠不下數百萬兩雖未能依限
清完而軍務肅清可期漸有起色一旦全議更張欠款
未便置之不論如票運僅能保完謂額前項已無着落
現充各商一經裁撤責令如數完欠恐亦甚難查聞

鹽積欠已至四百餘萬兩之多此非一朝一夕之事亦非始於軍興之時蓋其積疲也久矣票運僅能保完課額前項固無著落然若不早議變通日復一日前項豈歸有著乎卽軍務肅清頓如從前無事人物滋豐之時而利孔百出雖行銷日旺亦祇悉歸中飽於國計有何裨益未改票運以前求保完課額而猶有未逮部臣不之責也甫試改票運力顧課額而部臣尙欲求多是舉數十年之不能辦者責望於一時恐管晏竭其才桑孔盡其術而亦有所不能譬如力舉百鈞者如以百鈞之

重責其負荷已覺不能日中其程若再累而增之其不致顛蹙者幾何況現雖試行改票專顧課釐而舊欠仍未嘗不按期催繳自四月至十月官欠兩欠已收回銀五萬餘兩視前百呼而不一應者亦覺迥異惟閩商資本素微又值凋敝之後責其趕完課釐又責其清完陳欠恐陳欠未必能清而舊商日益倒罷是以請將積欠帶輸等銀分別減免總期商力稍紓漸能照額買票趕運暢銷或可以盈補絀此不足慮者四也至部議以先清埕坎次查戶口出入兼權可得大概議臣原奏未之

及一節竊謂清堤坎查戶口本是鹽務常談非救時急務閩省官堤官坎倒廢矣止百年所僅存者多係濱海窮民自行修整非次第清理不能挈私而還之官若驟奪私修之堤坎而歸之官事必有所難行必致如部所慮辦理不善得不償失翻不若抽釐之較為得實至戶口星散稽核難周海濱掬水成鹽人皆食鹽之人卽人皆煮鹽之人必欲計口授食不但徒託空言轉恐益滋煩擾故原奏未之及而但以抽釐權其轉販之鹽也部議務期毫無窒碍確有把握再議試辦果如部

臣所

言臣能預知毫無窒碍確有把握則當徑奏改票不必以試行為請試行云者原欲詳察利弊決其可否斟酌行止以俟請

旨定奪今必謂試行亦須俟部議而行則凡外吏遇有試行事件均必先咨部臣定議而後入

告亦似與定制不符從前部臣知閭閻之日壞奏議改章若前任督撫臣肯不計身家利害毅然爲

國家久長之計則現在新機之效早行之十餘年以前計所獲已不下二百餘萬兩何至積欠至四百餘萬兩

之名乃從前積欠至四百萬兩不聞部臣恭辦責賠茲
力排羣議

奏請試行而部臣轉持苛論事關

國計臣安敢緘默不言總之任法不如任人人存而政
斯舉興利不如除弊弊盡而利自生鹽務爲腥羶之場
爲奸弊之藪見效最難致謗則易苟無潔已奉公獨立
不懼之員卽改行稟運臣亦未能保其必無流弊惟據
現在而論臣雖不肖斷不敢計及身家利害重負
君父臨道吳大廷尚知自愛又正當感

恩圖報之時斷無背公營私之理試行期內雖部臣實
臣與撫臣鹽道以參人之稱如該督等不候

命下已竟撤商行票將來課額虧短全綱渙散臣部惟

有從嚴參辦並將虧短課款責成率詳之鹽道與率准

之督撫分成賠繳以肅功令而重鹽政臣與吳大廷無

所媿亦無所快也若後此兼管鹽政以及鹽道不得其

人則此時試行之章未知非從前相沿之弊是則非臣

臣所敢任而亦部臣所能議者可否

飭下部臣將閩鹽試改票運應止應行速議具

奏俾微臣得免意外吹求不勝感悚之至至鹽政原督
甘肅管與撫臣無涉鹽道雖係專司之員然舉行票煙
實微臣一時愚昧之見並疊次臆貲令毋避嫌怨詳
議候核非鹽道所能再似可一併無庸置議所有此次
覆陳由臣軍銜拜發之處合併聲明伏候

皇太后

皇上聖鑒訓示施行謹

奏
同治四年十一月十六日

軍機大臣奉

旨另有旨欽此

同治四年十二月初九日內閣奉

上諭前因左宗棠奏閩省鹽政疲壞請試行票運一年
當交戶部議奏嗣經該部以鹽政改行票運全議更張
恐虧課病民咨令該督妥籌期於毫無窒碍茲據奏稱
自本年閏五月起試行票運甫及半年所收實解之款
已抵前此一年及一年半之數向之疲滯口岸日試行
新章以來漸有商販認辦各衙門一切陋規所裁不下
七八萬兩聲情翕然且釐隨課出皆取之買票商販並

未沿海散抽數月以來亦無私梟拒捕之案從前縣湧
官常坐收課費以充私橐今則挈向時官吏私攫之款
涓滴歸公至開鹽積欠數百萬兩現雖專顧課釐而舊
欠仍未嘗不按期催繳請仍飭部將試改票運行止速
行議覆等語覽其所奏於開省鹽綱之積弊及現辦票
運之可行實爲洞悉原委總之鹽務爲國課大宗亦爲
奸胥利藪惟在得人而理斯能力挽頽綱票運之行雖
不能保其必無流弊倘承辦之員均能潔已奉公不爲
私計自足以除從前積重難返之弊而與爲更始該督

提右營千總黃安標等督駕靖海輪船由省運餉回廈
經過該處馳往協剿各匪猶敢拚死抗拒復經英官穆
蘭德軍功呂文經等環施洋砲奮勇擊剿轟燬載火藥
大匪艇一隻焚溺盜匪甚多千總黃安標等亦各爭先
開砲擊沈小匪艇一隻斃匪數名賊勢不支紛紛見水
潛逃英官穆蘭德遊擊陳世榮軍功呂文經等生擒艇
匪十餘名盡獲盜船一隻千總黃安標全獲艇匪三名
餘匪登岸逃避該處水淺輪船未能駛入適副將梁正
源等所部師船於初七日黎明趕到督兵分駛杉板小

船上岸沿山搜捕擒獲匪犯九名點交軍功呂文經一併附解統共獲到盜犯二十三名盜船一隻並救回難商六名商船五隻各該員弁仍駕坐輪船官解回廈所獲盜船一隻繫輪船之後途次風濤洶湧輪駛浪激擊斷繫纜隨風漂擊方板無存將救出難民洪向榮等六名連同各盜犯曾阿鳳等二十三名轉交興泉永道轉發廈防同知提訊解勘其救出難民洪向榮等六名均係附搭杉木船回浙被匪擄禁屬突並查知被擄商船五號尚有舵水在船管駕均經分飭撫恤釋放領回去

後旋據廈防同知馬珍訊明犯供開摺而報內柯月一名亦係木商水手被匪擄禁當飭難民洪丙榮等保認提釋暨將餘犯二十二名復解交與泉永道曾憲德親提隔別研訊據盜犯曾阿鳳卽阿才供稱伊與賴阿三李阿保黃阿三鄭阿宗范阿福黃阿義所從匪首伍阿洗糾約于本年五月間在洋劫過商船一次得贖分川又先後擄到李阿江鄭阿朴黃阿柏嚴阿眞石阿二賴阿妹宋阿二廖阿三袁阿備等九名上船同夥行劫七月十七日遇見杜阿桂駕船捕魚隨將杜阿桂並水手

吳阿水等連船貨一並擄劫伊殺斃水手一人十月初六日又在湄川洋面牽擄載木商船五隻客商四十一人幼孩二人當時放回一人取銀回贖旋因輪船往捕疑係放回商人報信即將船上三十四人並幼孩二口一並殺斃丟屍下海尚有六名因輪船迫近未能殺害隨即併力抗拒船被砲火擊燬經官兵擊獲解訊伊與賴阿三等在洋行劫三次李阿江等行劫二次至杜阿桂吳阿水張阿興黎阿保曾阿宗朱阿鍾等六名委係先後被擄在船並無懸劫分貼等語再三究詰矢口不

移並據賴阿三等李阿江等同供疊次聽糾夥劫得贓
分用各情不諱查該犯等情罪重大現值懲辦洋匪之
時末便稽誅應遵前奉

諭旨一並就地正法以昭炯戒隨即會營監提盜犯曾
阿鳳前阿才賴阿三李阿保黃阿三鄭阿宗李阿江鄭
阿扑黃阿柏嚴阿真石阿二賴阿妹宋阿二廖阿三袁
阿尙等十四名先行綁赴市曹處斬尙有據報被砲受
傷在監病故之范阿禮黃阿義二名照例戮屍一並梟
首示眾所有被擄之杜阿桂等六名訊係安分良民業

已飭聽取保省釋據署福建興泉永道曾憲德稟報前來臣等伏查盜犯曾阿鳳等疊次在洋行劫擄人勒贖追經兵船圍捕復將擄禁商民孩童慘行殺害至三十六日之多尤敢糾黨抗拒實屬罪無可追業據欽道前奉

諭旨一並就地正法以快人心查英官穆蘭德等督駕兵船協獲洋盜業由該道曾憲德捐廉犒勞記升守備水提右營千總黃安標通事六品軍功呂文經從前屢次駕駛輪船出洋獲盜奪船著有功績此次復行協剿

後獲犯多名均屬始終奮勉出力令無仰懇

天恩俯准將記升守備千總黃安標以守備儘先補用
並請

賞都司銜六品軍功呂文經請以把總歸入水提營儘
先超拔以昭激勵除抄錄全案供招另行咨部外臣等
謹合詞恭摺具

奏伏乞

皇太后

皇上聖鑒訓示施行謹

奏同治四年十一月二十四日

軍機大臣奉

旨黃安標著以守備儘先補用並賞加都司銜呂文經著以把總歸入水提營儘先拔補該部知道欽此

恪靖奏稿初編卷二十八目錄

漸逼嘉應現籌合圍情形摺

瀝陳廣東兵事餉事情形片

剿辦龍溪縣屬土匪殄除殆盡摺

請將侵挪軍米之知縣革職拏問片

附陳鮑提督親喪服闋在籍補制期滿片

奏報嘉應東路痛剿大勝首逆伏誅摺

請將罵賊殉難之遊擊優卹建祠片

閩省鹽場繁缺陳請暫歸部選摺

浙逼嘉應現籌合圍情形摺

奏爲官軍浙逼嘉應微臣入粵親籌合圍情形謹據實
馳奏仰祈

聖鑒事竊臣於十一月十六日在平和縣琯溪營次業
將籌調官軍分路進勦情形恭摺馳報一面催浙江提
督鮑超由平遠趨嘉應西北幫辦軍務劉典由武平上
杭出松日延紮東南其東北之廣東陸路提督高連陞
署浙江衢州鎮總兵記名提督劉清亮兩軍已於十三
日進紮樟樹坪臣在琯溪聞鮑超行抵會昌當即檄署

浙江提督黃少春記名總兵楊和貴道員朱明亮先進
大埔臣以親兵中哨及馬隊隨署漳州鎮總兵羅大春
帶回漳郡協勦土匪卽率親兵六百人繼進於二十八
日在大埔途次接據高連陞劉清亮報稱二十四日卯
刻劉清亮由樟樹坪進紮葵嶺前之鳳寨高連陞派隊
列鳳寨之前以防衝突汪逆窺知我軍進紮親率城壘
各悍黨傾巢而出設伏黃竹洋雙板橋一帶劉清亮甫
將築壘賊卽趨至湯山徧野聚約數萬賊騎四五百名
帶洋鎗悍賊數人直前衝突高連陞督所部各營六成

隊分四路迎敵副將曹光德游擊朱體盛都司錢桂仁
游擊陳得勝率各營前敵總兵丁賢發副將張志公游
擊程學明道員魏光邴率各營接應高連陞率親兵往
來策應諸路朱體盛躍馬堂先大呼陷陣連斬騎馬賊
目二人賊以洋鎗環擊之朱體盛揮兵力戰刃矛并進
將賊頗多忽被鎗子貫腦墜馬陣亡張志公馳前接戰
高連陞復派參將何世載率洋鎗右哨助之賊悉銳分
撲我軍亦分路鏖戰賊中鎗子紛如雨注曹光德錢桂
仁坐馬被子傷乃棄馬步戰詎逆前隊已敗後隊迭進

錢桂仁身被數創手刃悍賊四名力竭死之高連陞急
揮各路接應之兵齊進奮殺丁賢發怒馬當先魏光祚
程學明各率親兵繼之矛刺鎗擊縱橫盪決高連陞督
兵分助各路往來回合數十次各將士裹創血戰白辰
至未四時之久戰愈惡而氣愈壯約斃悍賊數十名賊
始潰走我軍步逼緊追直至雙板橋邊始收隊而還方
高連陞分兵接戰時劉清亮見賊大至勢難分紮營壘
因各列陣以待叅將陳武職游擊李世祥爲左路總兵
李運榮游擊孫永忠爲右路劉清亮爲中路屹立勿動

俟賊逼近排鎗轟之如是數四賊稍卻詎山上之賊復分兩路抄出我軍左路之後先擊卻之又復回撲賊騎數百直前衝突李世祥陳武職奮力迎敵斃賊多名賊來愈眾礮傷我軍哨長二人陳武職右臂爲賊矛刺傷勢幾不支劉清亮抽右路孫永忠往助直陷賊陣所向披靡正酣戰閒被鎗子穿傷腰腹猶髮剝血戰與李世祥合力將賊擊動汪逆見我軍再接再厲喊白衣悍賊數千直向中路猛衝十餘次劉清亮督隊力戰中營哨長亦陣亡五人而李運榮獨當右路哨長何文祿亦力

竭陣亡劉清亮所派同知銜湖北候補知縣汪遇元候
選縣丞晏際時持刀壓陣各勇向前奮殺汪遇元晏際
時忽中鎗陣亡劉清亮與李運榮下馬持矛當先殺賊
我軍銳氣倍長鎗矛奮擊斃賊無算賊不能支亦從雙
板橋遁去劉清亮與高連陞合隊沿港追殺汪逆猶驅
各賊扼橋回抗相持一時許始漸縮退高連陞等以時
已薄暮勢難再紮營壘賊雖被擊退然我軍已苦戰一
日宜令少歇遂收隊回樟樹坪老營暫駐相機再進是
日福建延建邵道康國器一軍已進紮州城北三十五

里之烏泥坪二十七日賊眾復傾巢而出圖撲官軍營
壘旋自遁回此東北路各軍擊退汪逆大股及北路進
紮之實在情形也其東西南三路西路紮藍口之粵軍
方耀營盤十六日夜間被賊掩襲小挫東南紮西洋白
宮市之粵軍何雲童軍容朝童三營二十一日遇賊
敗潰失去兩營容朝童陣亡何雲童退回丙村幸駐丙
村對岸井塘之副將銜署福建龍巖游擊賴長水陸依
護得以勉強支持臣得報後卽飛飭按察使銜福建補
用道朱明亮帶所部速由大埔馳至三河壩扼賊犯潮

郡之路二十九日臣進大埔適幫辦軍務劉典由永定馳至臣卽商請飭其前隊由松口進州城東南之丙村並飭賴長歸劉典節制調遣一面檄黃少春福建布政使王德榜於十二月初二初三等日以次由松口繼進王德榜向塔子拗以扼正東佛子高賊來之路與劉典井塘丙村之營相接黃少春向金谷坑以扼東北葵嶺賊來之路與高連陞樟樹坪之營相接中間黃少春王德榜兩軍又互相聯絡高連陞樟樹坪之營與布政使銜福建延建邵道康國器烏泥坪之營相距不過十里

亦可互相聯絡是嘉應州城東路東南東北及北路長
圍之勢漸成然猶去賊二三十里也其所以不欲近逼
者以州城西北三十里之相公亭及三十餘里之大坪
兩路急盼前調鮑超全軍及江西撫臣檄調席寶田劉
勝祥兩軍由江西會昌長甯出平遠進紮相公亭大坪
兩路賊可遏其北竄平遠西竄興甯之路現尙未接其
到平遠消息師行山谷之間糧運軍米極爲艱阻又客
軍入粵人地生疏語音更難通曉非粵軍設局供應勢
難速赴戎機臣已累次飛咨廣東督撫臣委員設局廣

爲採辦並咨江西撫臣速籌撥餉銀三萬兩委員赴粵
爲席寶田劉勝祥採辦軍米臣亦勾撥閩餉一萬六千
兩爲鮑超採辦軍米如鮑超席寶田等能於旬日內陸
續馳至臣當率親兵及記名總兵楊和貴新右營由東
南松口繞至東北一路親歷各營其商分布長圍之策
大約各軍未集之先各軍營壘宜若斷若續若即若離
令賊不覺一俟各路取齊則剋期并進一面出隊一面
築營撤作鎖圍乃能因此殘寇也東路西北三面逼緊
賊必從西南及南面衝竄臣已飛調粵軍記名總兵卞

紹忠帶所部六千先扼長沙墟如西路江軍延紮而南則粵軍方耀鄧安邦萬餘人可由藍口延紮畚坑長沙墟屆時鄧紹忠又當由長沙墟迤紮而東閩軍可由丙村迤紮而西互相聯絡四西鎖固賊免流毒他方致成不了之局其嘉應通汀潮之水名曰梅江賊已先據民船希圖下竄湖郡臣前飛咨粵東督撫趕緊造船配礮以防春水暴發又慮新造礮船緩不濟急飭惠潮嘉道張銑趕調八槳礮船數十號交粵將黃聯開挑募管帶以扼三河攔與朱明亮陸路之兵緊相依護則全局更

無滲漏可望聚殲賊自回竄嘉應土匪附私者多除死
黨悉收入州城餘黨之分紮附城東西北三面者約五
十餘壘兇醜復張臣愚竊擬於此閒調集三省兵力一
鼓殲除不爭數戰之效賊狃於數入絕地復得逸去爲
可常恃故竄嘉應後不圖遽竄機本可乘如果江粵兵
力餉事均無牽掣則此局或冀有成臣惟有盡瘁圖之
求以仰紓

慈廩所有各戰陣亡之同知銜湖北候補知縣汪遇元
候選縣丞晏際時擬保花翎游擊銜都司劉永茂蕭勝

文劉宣元擬保游擊銜都司王連斌趙玉林花翎都司
何文祿擬保花翎都司銜守備鄭秀章擬保都司銜守
備蕭煥武開浙補用游擊朱體盛游擊銜閩浙卽補都
司錢桂仁擬保花翎游擊都司銜守備鄭炳禮藍翎都
司銜守備鍾洪霖擬保守備千總鍾成魁擬保參將花
翎游擊鍾敏遂擬保守備五品軍功容朝章合無仰懇
天恩飭部一併照擬保升階議卹以慰忠魂伏候
聖鑒訓示施行謹

奏同治四年十二月十二日

軍機大臣奉

旨另有旨欽此

瀝陳廣東兵事餉事情形片

再廣東一省兵事實無足觀而餉事亦不可問軍興既久各省兵事或由弱而漸強粵則昔悍而今籍矣各省餉事或由匱而漸裕粵則昔饒而今竭矣自金田寇起制兵不足用不能不召募勇丁天下所同也粵之擇將也尚詐力不尚樸勇所募勇丁皆市井無賴富貴從軍也貪狼善擾軍令有所不行及其撤退則仍爲匪盜而

已前督臣葉名琛黃宗漢不知餉薄令弛不能馭將而
務爲刻鵠以博綜覈之名於是有勇丁每日一錢長夫
每日六分之例比及撤遣則又有四六折減給實銀之
事自是營官統領於召募之始卽虛增勇數預待駁減
募千人者實止六七百又任勇丁來去自由利其截曠
爲彌補虧欠及自肥計上有刻薄之名下有遂其浮冒
之實將卒均知利而不知義以故索餉則強抗令則強
私鬪則強一遇悍寇猝至勉強支吾而守不能固戰不
能克矣論語曰好勇疾貧亂也又曰小人有勇而無義

爲亂其殆謂今日之粵軍乎此時而欲破除積習轉弱
爲強非擇將不可非汰其冗雜虛額之勇丁不可非給
以實餉不可然此事非能猝辦也卓興方耀聞臣入粵
未嘗不稍存儆畏之心也稽兩軍積欠之餉共一百數
十萬兩粵餉告竭欲撤不能祇可暫寬既往責其實心
承奉以圖後效如有違悞再據實嚴叅治罪以服其心
臣所部入粵諸軍薪糧皆由閩浙支應於粵東諸軍餉
事原可不問惟兵與餉二者相因未有乏餉而能用兵
者入粵之初卽詢廣東督撫臣各軍欠餉之數及藩運

兩庫與釐稅經入之數准咨開清摺前來合計每月所
人不過十七八萬兩而經出之數約近三十萬何怪其
日求節省曰趨窘迫乎廣東所以素稱饒富者五口未
開得專番船之利也近則散之各省而沿海各子口既
以洋人故不敢設局抽釐子口以內釐稅可抽又以地
方劣紳挾制頑民抗阻與官爲難播造謠言不能舉辦
且恐事未行而科道已指摘及之事甫行而部臣駁斥
隨之以是因循不舉坐以待困臣抵大埔接晤潮郡官
紳士民詢及潮郡釐稅合計雜貨之釐洋藥之釐汕頭

行釐船捐每年所得共止三萬餘兩是一年所入不足六千人一月之餉也潮州爲粵東腴郡而釐稅之少如此外此已可類推聞海關各口所收每歲不下二百萬兩其解京之數無從稽考此項若能由督撫臣設法籌辦於正供固期無誤而於該省籌餉大局實裨益非淺特此爲二百年來舊制非外臣所敢輕議倘能如浙江杭州織務新章之改兩浙紳商士民至今歌頌

聖德與減賦

曠典永戴

皇恩則粵東大局或猶可爲也臣率客軍入粵偶有開
見自不敢不據實直陳至兵餉兼籌任大責重非明幹
開濬之才不能勝任浙江布政使蔣益澧才氣無雙識
畧高臣數等若蒙

天恩調令赴粵督辦軍務兼籌軍餉於粵東目前時局
必有所濟謹附片陳明伏乞

聖鑒訓示施謹

奏 同治四年十二月十二日

同治五年正月初八日內閣奉

上諭浙江布政使蔣益澧著馳赴廣東辦理軍務兼籌
軍餉浙江布政使著馬新貽派員署理欽此

剿辦龍溪縣屬土匪殄除殆盡摺

奏爲剿辦龍溪縣屬土匪殄除殆盡恭摺

奏祈

聖鑒事竊漳州府屬龍溪縣西北二十五都岱山社郭
姓一村在漳城西北八十里村中舊有土寨周圍約半
里高四五丈累石爲牆排開鎗眼形勢險峻儼若一城
平日擄人鬻禁嘯聚搶劫隣近各鄉往來商旅無不被

其獲害上年賊踞南靖該社匪徒郭凸郭好等率眾投
入僞寨逆陸順德殿內受封僞職導賊焚掠二十餘村
漳城克復尙復藏留賊日肆其劫掠靡惡不爲節經次
內祖宮古社北坑社前山社等處紳民環號聯控訪問
屬實等以辦匪與剿賊有關但能網送首惡及著名
要犯到官誅治餘眾宜予日新尙該地方官先諭該村
民等納獻首惡及藏留髮逆等便准免剿乃該社一味
凶頑形同化外經署漳州鎮總兵羅大春署汀漳龍道
夏獻綸稟請分別剿辦羅大春輕騎先往該社四面察

看見山徑崎嶇開道雜出林深路窄地勢極險非多派
弁勇協力兜圍恐多漏網馳赴臣宗棠瑄溪行營面商
辦理臣宗棠立派親兵中哨及馬隊隨羅大春回漳勸
辦十一月二十一日羅大春統所部漳勇五百人弁率
者鎮標城守營都司楊朝陽署右營守備賀知任管帶
左右城守三營漳勇二百四十人督同代理龍溪縣楊
慶容自漳郡前赴南靖會合楚軍中哨親兵及馬隊星
夜前進次日辰刻卽抵該社仍諭細送首要各犯該匪
竟敢不遵鳴鑼列陣分據官置羅大春列陣以待匪徒

衝近連施鎗礮斃匪十餘名匪力不支中哨洋鎗隊及
馬隊四面光擊又斃匪五十餘名該匪遁入寨樓希圖
死拒羅大春飭將寨外匪巢一律平毀飭縣再加開導
自午至酉傳諭三次該匪等總恃樓高寨堅死抗不出
復密布鎗礮子如雨注官軍陣亡三員名受傷二十四
員名署都司楊朝陽右手亦受重傷擬保藍翎把總楊
步高左胸膛中礮子所傷羅大春見勢不可已二十三
日卽飭各弁勇奮力圍攻一晝夜飛礮入樓火光四起
匪多焚斃其舊門奔突及自牆穴跳出者均經斃殺共

斃匪二百數十名據獲生匪供稱社內著名首要匪犯郭好等均被官軍焚殺隣近被害各鄉無不稱快當卽收隊回營自此漳州龍溪著名土匪一律肅清閭里可以安枕所有勦匪陣亡之藍翎千總鄺炳星儘先千總邵來旬應請

飭部照例議卹理合恭摺具

奏伏乞

皇上聖鑒訓示施行謹

奏同治四年十二月十二日

軍機大臣奉

旨另有旨欽此

同治五年正月初八日奉

上諭左宗棠奏官軍漸逼嘉應現籌合圍及龍溪勦匪情形各一摺汪逆盤踞嘉應左宗棠籌調各軍分路進勦其東北之高連陞劉清亮兩軍由樟樹坪進紮遇賊於雙板橋一帶血戰數時雖將賊擊退而哨弁傷亡不少東西南三路住紮之粵軍亦復被賊掩襲或失去營壘是賊勢雖蹙而克猷頗張該督現進大埔分布劉典

王德榜黃少春高連陞康國器等軍互相聯絡嘉應州城東路東南東北及北路長圍之勢漸成正可力圖進取昨據劉坤一奏鮑超已於十二月初六七以次前進平遠之相公亭席寶田劉勝祥兩軍於初九十以次前進東石大柘兩路官軍計日業已到防自可遏其北竄平遠西竄興甯之路卽著左宗棠督飭名軍尅期齊進務期步步近逼合力兜圍毋留縫隙以收聚殲之效並著瑞麟郭嵩燾檄令鄭紹忠方耀等軍與江閩之兵互相聯絡嚴密布置倘粵省帶兵員弁不能得力致賊銜

走卽由左宗棠嚴叅治罪鮑超及江西客軍入粵人地
生疎瑞麟等務須設局寬爲採辦軍米以期無誤兵食
劉坤一並著迅遵前旨出省督飭各軍會攻一面嚴扼
本境邊防毋稍疎懈賊見長圍勢合擄船下嵐湖郡必
在意中左宗棠瑞麟等務當多備礮船飭令黃聯開朱
明亮水陸各軍嚴備要隘毋令賊踪善脫又成不了之
局所有此次力戰陣亡之同知銜知縣汪遇元縣丞晏
際時擬保游擊銜劉永茂蕭勝文劉宣元王連斌趙玉
林都司何文祿擬保都司銜守備鄭秀章蕭煥武游擊

朱體盛游擊銜都司錢桂仁擬保游擊都司銜守備鄭炳禮都司銜守備鍾洪霖擬保守備千總鍾成魁擬保叅將游擊鍾敏遂擬保守備五品軍功容朝章均著一併照擬保升階交部議卹以慰忠魂龍溪縣土匪郭凸郭好等踞寨從逆怙惡不悛經左宗棠調派羅大春等將該寨匪徒殄除淨盡自此漳州龍溪著名土匪一律肅清實屬大快人心其剿匪陣亡之千總鄭炳星邵來旬均著交部照例議卹另片奏粵東籌餉事宜已交部議奏浙江布政使蔣益澧已明降諭旨飭令馳赴廣東

辦理軍務兼籌軍餉矣將此由六百里各諭令知之欽此

請將侵挪軍米之知縣革職拏問片

再臣此次由漳州進兵取道琯溪平和以出大埔計程雖止三百餘里然所經皆是嶺路山石犖确一徑微落實爲險絕微臣及同行各員遇險仄之處皆牽扶步行而長夫之墜崖死者已三人馬之墜巖斃者以十數計矣先時以米糧難於轉運預飭署永定縣知縣李華穰領銀六千兩就近採辦軍米二千石以供來往各軍行

糧業據稟報已如數購備嗣飭運解大埔轉運總局忽稱祇購到米糧千石有奇前後自相矛盾其侵挪情弊顯然可見除遴員前往摘印接署外相應請

旨將署永定縣知縣李華稷革職拿問以儆貪鄙而重軍務謹會同福建撫臣徐宗幹合詞附片具陳伏乞皇上聖鑒訓示施行謹

奏同治四年十二月十二日

軍機大臣奉

旨永定縣李華稷著革職拿問按律懲辦該部知道欽

此

附陳鮑提督親喪服闋在籍補制期滿片

再查署浙江提督一等子爵鮑超前於同治元年十一月在安徽甯國府宣城縣營次接到家書知嗣母鄧氏於是年九月二十三日在四川奉節縣原籍病故聞訃丁憂奉喪回籍當經兩江督臣曾國藩代奏奉

上諭鮑超前訃丁憂著毋庸開缺改爲署理俟江西軍務大定再行給假回籍營葬等因欽此嗣同治二年間遵奉前

旨請假回籍葬親經兩江督臣曾國藩奏奉

上諭現在江西安徽兩省賊踪已靜鮑超繫心寇害悽
惻陳情未便再拂所請著賞假兩個月回籍葬親以遂
孝思等因欽此遵卽交卸軍務料理起程於同治四年
三月二十六日到籍料理葬事完竣於六月二十八日
奏報力疾起程募勇東征會集留江舊部進剿閩粵髮
逆應自同治元年十一月開計起不計閏扣至同治四
年二月止計足二十七個月服闋本年三月二十六日
到籍連閏至六月二十八日起程在籍已逾百日似與

補制成例相符准該署提督咨報前來理合附片陳明
伏乞

皇上聖鑒訓示謹

奏

運機大臣奉

旨另有旨欽此

同治五年正月初八日內閣奉

上諭左宗棠奏署浙江提督一等子鮑超現在服闋並
在籍補制期滿等語鮑超著補授浙江提督實缺該部

知道欽此

奏報嘉應東路痛剿大勝首逆伏誅摺

奏爲官軍進逼嘉應東路痛剿撲壘全股悍賊大獲勝
仗首逆伏誅恭摺馳報仰祈

聖鑒事竊嘉應康逆汪海洋知官軍漸次進紮屢率剽
悍騎賊至州東佛子高分水鄉曹塘一帶窺探地勢冀
圖設伏以待我軍初至營壘未固猛力衝撲經臣宗棠
商請幫辦福建軍務二品頂戴劉典會同廣東陸路提
督高連陞署浙江提督黃少春福建布政使王德榜前
往塔子畧分水鄉等處探看形勢剋期滾營進紮並令

細探曹塘小路以防該逆設伏包抄本月初十日黃少春王德榜各率所部分紮橫徑深坑石灰窰一帶十二日五鼓黃少春率其中路中營中路左營及總兵劉端冕楚軍前營由橫徑進紮塔子畧之中右兩路抽派所部及副將馬駿發督標左營謝復雲楚軍湘營之橫徑各老營六成隊紮護梁壘以四成隊守老營王德榜率其左後兩營進紮塔子畧之左黃少春王德榜各率親兵列隊策應高連陞暨署浙江衢州鎮總兵記名提督劉清亮布政使銜福建延建邵道康國器各率所部六

成勇丁赴塔子壘列隊出伏葵嶺山坡劉典飭總兵張福齊率左路五營道員李耀南率後中後勁飛虎三營赴塔子壘列隊策應汪逆先候悍黨寅夜由曹塘小路出指湖頂雙坑以抄橫運一帶營盤之後黎明我軍在塔子壘築壘忽見賊從左側衝出黃少春王德榜各飭所部搶紮營壘自率親兵擊退之不逾時汪逆與胡瞎子等率悍賊數萬分四路蜂擁而來賊從旁出二枝一由曹塘小路來者後隊雖被黃少春王德榜擊卻其前隊已潛抄深坑一帶一由雙板橋潛經蔡嶺埭圖抄襲

我軍之後又由黃坑出一枝以牽制井塘丙林各官軍而中路汪逆由佛子高大路胡瞎子等由佛子高黃竹洋緣嶺左右又分三股狂衝猛撲湧山遍野勢極披猖張福齊令副將宋定元軍功王得勝當右路胡瞎子一枝令游擊張佑廷軍功鍾雲傑千總向明幹率勇伏塔子畧石松林中以應之張福齊率左中營及蕭雅泗之先鋒營周玉堂之左二旅李耀南率後中營及田向陽之後勁營已草都司祝鑑嵩之飛虎營當汪逆大股中左二枝總兵簡桂林登山瞭望見賊勢洶湧山徑多設

埋伏亟率所部六成隊馳前援應自辰鏖戰至未盪決
數十合盡斃及陣斬賊匪已不下二三千汪逆以中三
路均不得逞親率死黨力抗官軍有不攻破不同城之
誓蓋恃有兩路包抄之賊猶冀前後夾撲也我軍再接再
再厲無不奮勇爭先適劉典親督老中營及丁太洋副
右營斜出迎見指湖頂上一枝伏賊已抄出深坑當與
李耀南定計先擊此股卽飭丁太洋率所部疾馳上嶺
老中營應之并調齊蘭禮率副中營助勦黃少春王德
榜塔子營營壘已成皆出隊夾擊各營將弁皆舍騎步

戰寒旗陷陣軍士皆一以當百鎗礮環轟聲震山谷逆
黨死傷甚夥黃少春所部橫徑各營王德榜所部深坑
各營亦一齊出隊奮擊黃少春王德榜各率親兵緣崖
而出以橫截之賊遂敗走我軍乘勢掩殺斬馘不可勝
數而汪逆大股尙在前抵死撐拒經張福齊李耀南與
蕭雅泗等麾兵痛勦該逆亦殊死鬪正酣戰閒簡桂林
與哨長甘大有鄒正魁等下馬持矛大呼衝陣賊眾勢
如山頽我軍奮威衝殺矛刺鎗擊賊屍枕藉追至佛
子高時已酉刻始各收隊歸途見大戰處血漬滿蹊徑

憫水盡赤矣其雙板橋一枝抄後之賊經高連陞督親
兵洋鎗馬步各隊橫出分水鄉以斷賊後令道員魏光
祁率副將黃北海游擊陳得勝由葵嶺翻山斜趨分水
之右待賊退時攔截之飭總兵丁賢發副將曹光德張
志公游擊程學明合劉清亮康國器所部列隊之兵分
三路直向雙板橋迎擊高連陞督親兵從分水鄉出逕
出賊不意開鎗轟擊逆眾在前者甫抄出橫道後面之
王水見歸路已斷遂大驚亂適劉典黃少春王德榜各
軍合兵衝殺賊遂紛紛從分水右側山下奪路潰奔魏

光祿等伏山腰林木中橫鎗擊之賊眾自相蹂躪不敢
仰視高連陞從後追殺斃賊數百名生擒二十九名雙
板橋餘賊不敢戀戰鼠竄回奔我軍追至黃竹洋沿途
盡獲不少其黃坑一路之賊見我軍後路有備未敢渡
河下窺據各軍生獲賊供并乞降賊首來稟僉稱首逆
汪海洋被鎗子從頭左偏穿出眉之際立即墜馬比至
昇回州城則已氣絕臣宗棠初猶未信比接各軍探報
一一相符且各賊具稟赴營乞降者兩日之間已三四
至觀其紛擾情狀知汪逆之陣前盡斃確無可疑矣計

是戰共斬悍賊數千名誦傷截傷者無數可計墜崖死者約數百名生擒二百餘名奪獲鎗械無算賊馬數十匹諸將士皆言逆賊是日分布之密搏鬪之苦實爲從前數年來所僅見蓋徂於近來未經痛創而所糾賊黨所收叛勇皆兇悍百戰之餘土匪又熟習路徑從而導引之故膽大氣驕如此此十二日各軍血戰竟日大獲全勝之實在情形也是役也劉典黃少春高連陞同心共濟謀勇兼資在事將士踴躍用命勇氣百倍仰賴我皇上天威殲除首逆現據賊中諜報賊黨因汪逆伏誅

推僞僭王譚體元爲首賊首如胡瞎子汪麻子黃矮子
何明亮等皆踞紫城內外人數尙多必須速合長圍令
飛走絕跡然後誅其桀悍宥其脅從勦撫兼施乃可戢
事上宗棠拜摺後卽率親兵及記名總兵楊和貴新右
營由松口前進先檄高連陞由東北葵嶺進紮黃竹洋
黃少春王德榜由正東分水鄉進紮佛子高延紮而北
與高連陞黃竹洋之營相接浙江提督鮑超十三日抵
平遠康國器接其途次來函謂十五日可進州西北相
公亭已飭康國器俟鮑超營盤紮定卽會期列隊逕由

烏泥坪進紮州正北洋門岌要隘右與鮑超左與高連
陞聯絡咨商鮑超進紮西北平成舖石壁官前一帶并
飛催席宝田劉勝祥兩軍速進西北大坪堡飭道員朱
明亮桂營進紮井塘使劉興全軍得由正東趨東南之
日官市西洋龍津橋進紮黃坑渡再進至芹菜洋自東
而陽石旋至西北隅各軍密布則正南西南正西各路
要隘防賊衝窟粵軍方耀鄧安邦一萬四千人扼西面
歸口一處前調粵軍鄭紹忠所部六千人又添調粵軍
曾敏行一千五百人迭飭會同進紮西南之長沙墟尙

未卽進臣宗棠又飛檄督之責其速紮以彌西南一隅
虛隙更調新募八漿礮船抵南路水陸依護以成鎖圍
期竭奮銳迅速藏役仰紓

宵旰慈廑此次尤爲出力之記名閩浙總兵傑勇巴圖
魯蘭桂林擬保閩浙補用總兵楊勇巴圖魯張福齊懇
恩賞換清字勇號遇有閩浙總兵缺出題奏請

旨閩浙補用總兵格洪額巴圖魯劉端冕可否以總兵
記名請

旨簡放按察使銜浙江補用道李耀南請

賞加二品頂戴總兵銜副將馬駿發請以總兵補用留
浙副將樂連生擬保留閩副將甘大有閩浙儘先補用
副將劉傳儀留浙副將高方吉均請

賞給勇號樂連生並請

賞加總兵銜擬保留閩儘先副將周玉堂請

賞給勇號副將銜留閩叅將謝復雲補用叅將宋成祥
藍翎游擊張佑廷均請以副將留閩補用張佑廷並請
賞換花翎副將銜叅將戴清輝鄒玉林杜登雲吳茂軒
均請以副將留於閩浙遇缺卽補叅將鄒正魁花翎叅

將李銘新姚連陞均請

賞副將銜花翎儘先游擊余宏亮請以叅將留於閩浙
卽補游擊張金榜黃復勝陳厚順均請以叅將留於閩
浙遇缺卽補花翎留閩都司蕭雅泗田向陽均請以叅
將仍留閩補用先換頂戴花翎都司羅東成湯世成周
繼世藍翎都司陳龍香均請以游擊留於閩浙補用花
翎留閩都司劉甫田請以游擊仍留福建補用擬保花
翎守備黃文光藍翎守備謝紅蛟均請以都司儘先補
用守備余洪勝林三友秦添福江同恩陳殿立葉義秀

均請以都司補用藍翎千總向明幹請以守備儘先補用並

賞加都司銜軍功鍾雲傑請以千總儘先拔補并

賞戴藍翎軍功宛乾元張興發均請以千總卽補并

賞戴藍翎軍功范振升請以千總卽補並

賞加守備銜已革都司祝鑑高請開復原官并免繳捐復銀兩其餘在事出力員弁可否由臣宗棠存記彙案保獎之處出自

天恩其陣亡之擬保留閩儘先副將陽命仲副將趙輝

元應請

旨飭部均照總兵例議卹副將銜閩浙補用叅將周壽
臣請照副將例議卹花翎都司歐隆勝施輝林章海輝
均請照都司例議卹擬保守備蔡文蔚請照守備例議
卹藍翎外委蔡名吉請照千總例議卹其餘傷亡各弁
勇再行分別核辦所有十二口大獲全勝首逆伏誅緣
由謹合詞恭摺馳

奏伏乞

皇上聖鑒訓示施行謹

奏 同治四年十二月十七日

軍機大臣奉

旨另有旨欽此

同治五年正月十五日內閣奉

上諭左宗棠等奏官軍進逼嘉應東路痛剿撲壘賊匪
大獲勝仗首逆伏誅一摺逆首汪海洋盤踞嘉應州城
經左宗棠調派諸軍分路進軍二年十二月十二日官
軍由嘉應州城東橫徑地方進紮塔子嶺中右兩路南
經築壘該逆已由左側衝出經提督黃少春布政使王

德榜親督兵勇擊退該逆復率悍當數萬三路來撲并分股潛抄深坑葵嶺等處圖襲官軍後路又由黃坑另出股匪牽制井塘丙村諸路官軍漫山遍野勢極披猖官軍分路迎擊其前一面派兵截勦山徑埋伏及抄出深坑之賊各營齊出鏖戰山谷逆當死傷甚多深坑之賊亦皆敗走汪逆大股仍在前路抵死抗拒官軍合力酣戰總兵簡桂林等率眾下馬奮力衝陣賊眾勢如山頽屍骸枕藉血滿蹊徑澗水盡赤其由雙板橋一路抄後之賊亦經提督高連陞等督兵截擊並分路繞出橫

徑後面玉水地方斲賊歸路由山腰林中伏鎗橫擊殺斃賊匪不計其數詢據官軍所獲賊供僉稱首逆汪海洋頭左被鎗子中傷由眉際穿出立時墜馬氣絕實足以伸天討而快人心著全宗棠迅督各路官軍四面合圍將餘黨速行殄盡毋留餘孽所有尤爲出力之總兵簡桂林著換銓僧額巴圖魯名號張福齊著賞換達桑阿巴圖魯名號以上二員均著遇有閩浙總兵缺出題奏劉端冕著交軍機處記名遇有總兵缺出請旨簡放道員李耀南著賞加二品頂戴副將馬駿發著以總兵

補用樂連生著賞給力勇巴圖魯名號甘大有著賞給
武勇巴圖魯名號劉傳儀著賞給果勇巴圖魯名號高
方吉著賞給効勇巴圖魯名號樂連生並賞加總兵銜
周玉堂著賞給協勇巴圖魯名號叅將謝復雲宋成祥
游擊張佑廷均著以副將留於福建補用張佑廷並賞
換花翎叅將戴清輝鄒玉林杜登雲吳茂軒均著以副
將留於閩浙遇缺卽補鄒正魁李銘薪姚連陞均賞加
副將銜游擊余洪亮著以叅將留於閩浙卽補張金榜
黃復勝陳厚順均著以叅將留於閩浙遇缺卽補都司

羅雅田向陽均著以叅將仍留福建補用先換頂戴
羅東成湯世成周繼世陳龍香均著以游擊留於閩浙
補用劉甫田著以游擊仍留福建補用守備黃文光謝
紅蛟均著以都司儘先補用余洪勝林三友秦添福江
同恩陳殿立葉義秀均著以都司補用于總向明幹著
以守備儘先補用並賞加都司銜軍功鍾雲燕以千總
儘先拔補並賞戴藍翎苑乾元張興發均著以千總補
用並賞戴藍翎范振升著以千總卽補並賞加守備銜
已革都司祝鑑嵩著開復原官並免繳捐復銀兩其餘

在事出力員弁著准由左宗棠存記彙案保獎候旨施
恩陣亡之擬保留間儘先副將陽命仲副將趙耀元著
照總兵例議卹副將銜閩浙補用叅將周壽臣著照副
將例議卹都司歐隆勝施輝林章海輝均著照都司例
議卹擬保守備蔡文蔚著照守備例議卹外委蔡名吉
著照千總例議卹該部知道欽此

軍機大臣 字寄閩浙總督一等恪靖伯左宗棠廣州
將軍兼署兩廣總督瑞麟江西巡撫劉坤一署廣東巡
撫郭嵩壽同治五年正月十五日奉

上諭左宗棠等奏官軍進逼嘉應東路痛剿撲壘悍賊大獲勝仗首逆伏誅一摺已明降諭旨宣示將出力之總兵簡桂林等均照所請獎卹陣亡副將陽命伸等交部議卹矣康逆汪海洋見官軍漸次進紮率領全股悍賊乘我軍初至營壘未固猛力衝撲經劉典黃少春高連陞同心共濟謀勇兼資在事將士踴躍用命勇氣百倍大獲勝仗殲除汪逆自應乘賊勢新挫之時一鼓作氣聚而殲旃左宗棠現率親兵由松口前進飭令高連陞等軍分布各路四面兜剿布置甚合機宜卽著督飭

各軍合力進逼嚴密堵剿其方耀鄧安邦鄭紹忠等軍
並著瑞麟郭嵩壽飭令迅速進紮倘敢稍涉遲延致鏘
隙未彌賊得竄突必將該員等從重治罪鮑超已抵平
遠著左宗棠調令進屯西北平城舖一帶會師剿賊並
著劉坤一迅檄席寶田等軍由西北步步進兵務令四
面合圍使此股殘寇飛走路窮盡行殄滅以彰天討而
靖疆圉有厚望焉將此由六百里各諭令知之欽此

請將罵賊殉難之游擊優卹建祠片

再查分駐嘉應之潮州鎮署左營游擊英秀於上年賊

踪逼近嘉應時招集紳團力籌堵禦每慷慨自矢與城
存亡本年十月二十一日髮逆竄陷州城時英秀倉猝
登陣見賊眾已薄城下守卒星散知事不可爲以幼子
屬一親兵携之出走朝服坐堂手劍以待賊至大罵不
絕口身被數創死於游擊署左柚樹下賊嘆其忠義就
樹下掘坎瘞之將欲斷髮辮及冠服懸東門城外見者
哀之該游擊之妾呂氏同時殉節一女生甫六月亦被
害據嘉應州紳士陝西補用同知直隸州張其翮稟報
前來臣面詢該游擊死狀甚悉不覺涕出聞其幼子經

親兵負之走潮郡除飭廣東惠潮嘉道張飭訪求忠裔
善爲存恤外並由臣捐廉贍助伏查潮州鎮署左營游
擊英秀視死如歸被害慘烈孤忠亮節凜然猶生應請
旨飭部從優議卹並於嘉應州建立專祠以慰忠魂而
勵臣節謹附片具陳伏乞

聖鑒施行謹

奏

軍機大臣奉

旨英秀著從優議卹並准於嘉應州建立專祠該部知

道欽此

仁德公刊

刊

閩省鹽場繁缺陳請暫歸部選擇

奏爲閩省鹽場繁缺應調乏員請

旨暫歸部選恭摺具

奏仰祈

聖鑒事竊照下里萬鹽大使劉耀南因病出缺例應由
外揀員調補當經督飭福建藩司鹽法道在於閩省簡
缺場員內詳加遴選內除業已調繁及甫經請補各員
不計外僅有莆田縣大使陳光耀一員係捐納部選
歷俸雖滿三年尙未請銷試俸與例未符其餘並無合

例人員查例載佐雜微員凡在外揀選之缺照例咨部
改調如無可調之人於現任應陞人員內有曾經薦舉
卓異及保薦俸滿卽陞者各部陞補如無應調應陞之
人據實奏

聞於候補人員內揀選引

見補授倘候補人員不敷揀選卽於候選人員內揀選
補授等因歷經遵辦在案今下里場繁缺專司督晒巡
緝與知縣以上等官不同閩省現無合例應調及應補
應陞人員相應據實

奏明請

旨俯准將下里場繁缺暫由部臣在於候選人員內揀
選補授將來續經出缺如有合例堪調之員仍准由外
調補據署福建藩司周開錫鹽法道吳大廷會詳前來
除咨吏部查照外臣等謹合詞恭摺具

奏伏乞

皇上聖鑒勅部議覆施行謹

奏

軍機大臣奉

旨吏部議奏欽此